

乾州廳志

卷首

10274141  
139  
512101



同治十一年鑄

乾  
州  
廳  
志

光緒三年續修

本衙藏板

續修乾州廳志序



邑之有志猶國之有史名雖微其實則不殊民不知志則無以動向善之心而作其奮勉之氣吏不見志則無以協時地之宜而洽乎輿情之同志之所係固甚重也乾州地屬邊徼民苗雜處與內地不無小異求所以撫柔此民舍志其奚由者乙亥季

乾州廳志

新序

一

夏攝篆來乾視事之初索觀廳志見其分門別類詳畧咸宜巨細畢載不俚不華堪稱信史惟逐篇訛遺過多頗難披閱詢其由來則知蔣君經始甫脫稿遽逢改任羅君付梓未校對即奉牒取且纂輯僅三月也用貲僅數百也夫成書過速用財過儉限期過迫欲免遺誤其可得乎餘貲猶在

不可不續修以成其美適因乾地義倉虛  
懸凶荒無備奉牒督催開導各紳捐穀修  
倉均能踴躍數月得以歲事去夏米價昂  
貴多方糴糶以紓民困旋奉

簡命即真斯職凡所以謀生聚弭盜賊清獄訟  
靡不盡心籌畫以求報稱修志事已置之  
度外矣今歲民苗安帖糴糶幸有紳士分

任其勞暑中事少乃取舊志正其訛謬補  
其遺漏詳其簡畧汰其繁冗凡職官鄉宦  
忠義節孝前次採訪未及者逐一編入而  
於原志體裁因而不改不敢爭美於前書  
成則又立石鐫列捐貲名目以示鼓勵此  
皆蔣羅兩君所欲為而未及者不知許余  
為同心否也雖然乾州山水會萃民俗樸

厚開廳百數十年偉人疊出炳耀

國書光施邑乘將來鍾靈毓秀可傳可紀不  
一其人賢士大夫討論潤色而大修之固  
有在也余日望之矣  
皆

光緒三年歲次丁丑孟秋月知廳事粵東  
林書勳麟閣氏謹叙

修乾州廳志序

修志難修乾州志尤難曷難乎爾乾州距省千有餘里為楚極邊與川黔境相毗連萬山陰翳民苗雜處宋元以前率皆隸於土司故文物聲明較內地為畧遜明洪武時雖設鎮溪千戶所然亦不過羈縻之意至我

乾州廳志

新敘

一

朝康熙始設廳同知移今治焉乾隆初王君瑋以名孝廉為廳司馬見土風漸變始取廳志創修之而苦於建置未久條例難備故所編廳志數卷於苗防特詳諸事則概多缺畧自乾隆以至嘉慶雖其間亦嘗續修終未及勒為成書也同治改元會垣續輯湖南通志徵取各郡縣志甚急而以通

來乾州所出人物埒於衡湘亦疊札徵取其時邕管蔣君琦溥適攝廳篆奉文之後閱廳舊志嫌其體制未安商廳諸生籌款纂輯稿既脫親加讐校並攜呈 觀察楊公海琴求其鑒定開雕有日矣顧以量移期迫匆匆卸篆去而書又未成夫我

國家幅員之廣遠邁漢唐二百餘年來文治

乾州廳志

新敘

二

蒸蒸日上無論內地郡縣莫不有志即所關塞外新疆亦皆有之而乾州志獨闕如經王蔣兩君之勤勤懇懇而其所編錄者都未付諸剞劂甚矣乾州修志之難也十年春初余奉

簡命來

牧是邦甫下車糧價翔貴斗米千錢又盜賊之風甚熾以被竊來控者踵相接也不

得不平糶以紓困緝盜以安良而於修志  
一事姑且置之今幸歲稔民和糧價頓減  
嚴行保甲盜賊屏蹤爰取蔣君新編抄本  
逐一披閱缺者補之冗者汰之集費開鐫  
訂為若干卷并為詳叙其顛末以弁諸簡  
首焉

時同治十一年歲次壬申夏月知廳事楚

乾州廳志

新敘

三

北羅行楷子模氏謹序

乾州廳志卷之首

舊志序

夫志以昭信猶國之有史家之有乘誠未可闕畧而弗紀也然必循名覈實考古證今舉其大而詳其細然後可以信今而傳後乾州處楚西南界連黔蜀自古爲紅苗巢穴久稱負固

本朝文教誕敷無遠不屆於是革面向化歸我版圖建置之始因革損益皆斷自

宸衷列之憲章固非荒遠難考者比郡司馬王君瑋以法

乾州廳志

卷之一

舊志序

一

制大脩之餘不乘之紀載勒爲成書無以傳信於將來茲莅乾之初卽任爲已責經寒暑而書成其山川方域戶役田賦以及鳥獸草木風土人情無不稽之載籍考之方輿綱舉目張瞭如指掌既非剽襲陳言絕不鋪張故實能使蠻山煙雨並豁清眸僻壤荒陬別開生面至夫名宦鄉賢方伎仙釋之屬無可考據者則闕而不書更無摭拾補湊之弊洵可稱一時之實錄千古之文獻也嘗聞古之良史不爲虛美不爲隱諱事不漏於詞中辭不溢於事外志之爲道亦猶是

也與其繁而失於誕不如簡而歸於實與其纖悉而失於蕪蔓不如體要而歸於大方王君之爲是編也其有得於此矣抑余猶有望者際茲

重熙累洽之朝教化涵濡之日明倫立學旣變易其風土文物聲名將漸同於上國瓌竒特立之行文章華國之儒必有應運而勝紀者則踵事增華端有賴於後之君子也夫是爲序

湖南藩牧綏德張璨撰

三代皆封建也周禮邦國都鄙之圖職方氏掌之太

乾州廳志

卷之首

舊志序

二

史陳詩納賈輿人負版籍登民數無所謂誌者漢以後始置郡縣自是郡各有志邑各有乘合四方之風土人情山川形勢羣萃而歸之尺幅之中凡以使人披圖按籍不下堂階而周知遐陬之利弊誌詎不重歟乾州古蠻彝地居楚西南界連黔蜀山川險阻歷爲紅苗負固之區遐稽史冊兵戎征伐無世無之蓋久矣棄爲不臣之土也我

聖祖仁皇帝奮武揆文遠被寰海雖千百年數叛難服如紅苗者亦歸欵願附版圖於康熙四十有二年始成廳

治而以司馬官其地然而瘠者其土貧者其民愚悍者其俗蓋自皇古以來休養生息禮制教化均未嘗或施迄於今兵農禮樂簿書錢穀方次第而部署之故培養未易深教澤未易治也而余於是轉思夫治之之難也士人一行作吏民社是司使舊章成憲班班具在則考前人之得失綜歷代之興衰因而增損之率由之其爲治也不勞而成若夫乾則未有是也况其土俗民情迥殊於中土者乎出一政惟恐不宜其俗發一令惟恐不順其情柔則虞其玩也剛則慮其激也以言乎休息而氣候燥濕土穀方產未之或悉則惠養鮮有當也以言乎捍圉而邊城軍械地道險夷未之或詳則機宜未可籌也然則非有以斯土斯民爲已任者起而証今考古著爲成書垂諸奕禩而昭茲來許其曷以治余自乾隆有二年恭膺

簡命承乏兵巡下車之始各郡邑多以輿圖志書進而乾鳳永三廳獨無余正愀然於苗疆風尚習俗之殊而思與變易調劑之無據也未幾而永綏志成余既以嘉之一日乾州司馬王君瑋以公來謁於余相與探

風問政周諏商確王君作而言曰乾州闢未久尙無志今日且纂輯舊聞搜羅憲典創爲志者凡四卷行將脫稿矣余聞之不禁欣然喜王君之真能以斯土斯民爲已任也閱數月而志成並以請序於余余爲翻閱數過凡乾之山川疆域土俗民情上至師田學校下及草木昆蟲釐然畢備誠一代文獻之可徵也而其尤足異者其得諸古也必叅伍異同而核其真其採於今也必辨別可否而衡其是不摭拾無稽而流於誕不敷陳華藻而失於浮每於風俗人心之所關

乾州廳志

卷之首

舊志序

四

政治世教之所係或興焉而未力舉或除焉而未盡革者無不兢兢寓法戒之思反覆三致意焉嗟嗟王君之爲是編也其事創其心苦矣後之君子得由是而增捐時宜率由舊典所以厚此土富此民齊此方之風俗使返悍而歸醇化愚而爲智者漸摩教養臻上理是則余之厚望也夫

分巡辰沅永靖兵備道商邱楊輔臣撰

周禮小史掌邦國之志則郡國之有志由來舊矣乾州城南有溪曰武郎灑水爲五溪之一州治爲武溪

蠻地民苗錯處境幽而僻巖壑峻險風俗怪異莫可殫述前明設蠻爨長官司今

**聖**天子聲教遠被百蠻率服凡乾之師儒學校風俗人物儼然與南服諸侯同炳

國書矣豈其境內而返無志以資觀覽乎璋承乏分守其地思爲草創文旣無徵獻亦不足惟就余耳目所及搜羅成書釐爲卷者四聊以備一州之記載云爾後之君子必有病其闕畧訾其蕪雜譏其固陋璋固不能辭也潤色討論而大修之亦璋之所甚願也乾隆三年歲次戊午小春之辰州郡丞分防乾州廳河東王璋序於武漢洗桐書屋

舊小序

乾州廳志

卷之首

舊志序

五

周禮保章氏以星土辨九州之地封域皆有分星大抵古人封國上應天象在天有十二辰在地有十二州上下相應各有分屬則在天名分星在地名分野歷漢唐至今天官書天文志載在史冊班班可考蓋以人事感於下天象應於上非特以觀妖祥占休咎亦將驗得失勤修省也乾州雖邊徼同在覆載之中

而感應之理必有相因而見者志星野

輿圖志相爲表裏者也周禮大司徒掌建邦土地之圖職方氏掌天下之圖雖八蠻七閩皆列版籍故不出戶庭而九州之方域中外之形勝於尺幅中求之瞭若指掌要能周知其利害乾州苗疆重地延袤百餘里其徑路之通塞山川之夷險苗蠻之巢穴皆可按圖而稽則圖之所係豈淺訖哉志輿圖

分北三苗虞書所命要荒蠻流禹服所及乾州紅苗久稱負固今則土宇版章同登 天府設官置吏情居化宇猗與休哉聲教無遠不屆矣則建置未可忽也志建置

乾州爲五溪蠻地之一窮荒遐陬壤地寥濶居民鮮少蠻箐叢雜則疆界道里亦體國經野者所必計也志疆域

山川鍾乎地靈氣運開自人傑古人云在德不在險又云固國不以山谿之險險固不可恃矣然大易所云王公設險以守其國者又何以稱焉况邊徼重地苗蠻淵藪尤形勢之所宜詳也志形勢

城郭不完非國之災此爲不仁者言也周禮掌固設  
有專官孟冬坏城著於月令而况固封疆備邊境完  
要害尤守土者所亟講也志城郭

徒杠輿梁王政所關舟楫之利萬民以濟此津梁之  
所宜志也志津梁

古者都鄙有章近代以都總鄙使相維而不散有條  
而不紊故曰觀於鄉而知王道之易易也乾雖邊陲  
經制未備而四境村落亦歷歷可數也志都鄙

楚澤國也而辰則稱山國乾州更處萬山之中晨夕

乾州廳志

卷之首

舊小序

七

間霏霧瀾漫咫尺莫辨鬚眉皆山川烟嵐瘴氣鬱蒸  
之所爲也其山竒詭橫惡銳者如笋峭者如削離者  
如覆甍聯者如貫珠嶽竒歷落昂藏佶曲莫可名狀  
所乏者文君眉秀色耳其水急則奔驥緩則瀲羅深  
則然犀不能燭淺則寒裳而思涉溪醮亂石如芙蓉  
出水西湖六月不若是之繁也志山川

則壤成賦命官分祿經國之大端也乾州山多田少  
地瘠民貧故刀耕火種之輩賦貢皆從薄典而官斯  
土者亦養廉儉薄不得與永綏永順沅州各廳同其

廩祿故遇事往往拮据真所稱窮邊荒徼也志田賦  
乾州逼近紅苗數經蹂躪人烟寥落戶口凋殘其土  
民半係招徠苗民皆係新附例不征丁徭數十年來  
獲承平無事之福沐生聚教訓之恩漸有鷄犬桑麻  
之樂詩書絃誦之聲惟有守土者加意撫恤使民苗  
相安永無焚掠轉徙之苦差運兵騷之煩則乾民之  
幸也志戶役

從來救荒無奇策積貯天下之大命也惟常平爲最  
善乾州僻在苗巢向無儲蓄兼以山多田少民食不

乾州廳志

卷之首

舊小序

八

敷水駛灘高商販罕至設一旦緩急有事何恃以接  
濟今奉文貯穀建版厰乎有備無患矣惟嵐瘴薰蒸  
易於霉爛平糶買補必遠赴內地石危灘險挽運維  
艱爲可慮耳志倉廩

楚俗尙巫信鬼自昔爲然何況蠻邦所幸者人皆務  
本力農黜浮崇樸頗有唐魏遺風蓋亦瘠土好善之  
徵也至其鄙俚怪誕强悍愚頑在主持風化者有以  
潛移而默導之賈生曰夫移風易俗使天下回心而  
向道類非俗吏之所能爲也俗吏之所務在於刀筆

筐篋而不知大體然則文翁之化蜀黃霸之治潁豈異人任哉志風俗

學之名不一詩有辟離泮宮孟子有庠序學校周禮有成均瞽宗王制有東膠虞庠祭義明堂位有西學米廩以至小學大學三代學四代學四門學類自今國子監而外府州縣總名曰儒學所以興行教化作育人材也乾陽僻在荒服俗叅蠻徼自立學以來文教覃敷漸摩已久修明經術者不乏其人駸駸乎人文蔚起矣志學校

乾州廳志

卷之首

舊小序

九

古者天子祀天地諸侯祀封內名山大川大夫祀五祀非是族也則祀典不載楚俗尙鬼淫祀頗多而蠻民尤甚有教化之責者如西門之沉巫狄公之毀祠可繼也今止記

國典之所昭垂長吏之所駿奔者外此卽離騷九歌亦畧而不載志祀典

公署所以聽事况邊疆重地宜乎居高臨爽廳事前皇亦懾服蠻獠之一助乃自堂屋數間而外餘皆編茅結竹荒涼湫隘陸放翁詩云門如村舍強名官亦